

德平縣志卷之二

建置志

分茅胙土爰建邦基勤鑿築立治署所爲南面臨民也惟是文教興則宮牆美富祀典立則壇廟赫靈凡表里旌廬通商惠賈農夫安於野行人便於塗皆視司土者之留意耳至若叢祠塔院雖非爲觀美往往有乞靈者亦邑中之所不廢也作建置志

城池

內城建於宋熙甯三年土垣狀若幞頭

前志縣城舊在今治東北一里許

周三里高一丈八尺厚一丈餘設東西南三門池深一丈廣

德平縣志

卷二

建置

四丈明宏治十一年知縣李恕濶其規制正德十年知縣申惠修署東門曰長魁西曰宜豐南曰懷仁十一年知縣王卿嘉靖五年知縣唐臣相繼繕修署南門樓曰文明三十一年知縣趙鏞改曰聚奎隆慶七年知縣程沂復修更東門曰應陽西曰體乾南曰仰泰萬曆四年知縣何倬易以磚堞二十三年知縣成文選重濬濠池四十四年知縣王霖重修南門改曰映奎以門拱儒學之東也後俱圯 國朝康熙四十五年知縣朱謨乾隆二十六年知縣文治光曆加修葺同治七年捻逆告警知縣周士瀚率民增築高二丈濶一丈二尺底厚二丈四尺濠深一丈濶八尺以軍務殷急僅竣周垣門樓

未及營置

東門至南門六百四十二步南門至西門五百五十七步二尺西門至北樓三百二十九步北樓至

東門六百三十三步

外城本內城護隄明正德七年流氛驟起知縣朱冕因其土增

壘爲城高一丈五尺周六里設四門東曰迎旭西曰留暉南

曰來薰北曰拱極池深一丈廣二丈嘉靖三十一年知縣趙

鏞修萬曆二十三年知縣成文選濬濠池崇禎四年知縣扈

邦直復加修濬十年知縣蘇翹楚增置兩敵樓東曰多助西

曰禦侮屢經兵亂外城之保障爲多 國朝康熙十一年知

縣戴王縉營築堅厚五十八年知縣李纍珠重葺四門後稍

圯同治七年知縣周士瀚補修完固時逆氛肆擾四民奔附

德平縣志

卷二

建置

二

雲集登埤巡守城賴以安

光嶽樓在內城北垣上明隆慶七年知縣程沂建萬曆間知縣

王霖修額曰海岱一覽 國朝康熙間知縣戴王縉重修改

曰海岱文峯光緒十五年知縣凌錫祺復修

奎星樓舊名聚五在城南垣上明隆慶間知縣袁宏德建 國

朝道光十九年知縣德稜額移建城東南隅改今名光緒十

七年知縣凌錫祺葺修

衙署

縣治在內城西北隅明洪武三年主簿羅文建中爲勤政堂五

楹左爲庫右爲幕廳後有節愛堂三楹

今爲敬事堂

知縣王霖重

修堂前爲月臺繚以垣中爲甬道有戒石亭東列吏戶禮房承發司架閣庫後爲吏廨前爲倉房又前偏東爲鐘樓西列兵刑工房馬政科後爲吏廨 國朝康熙九年知縣戴王縉

修建六房餘房廢南爲儀門旁有兩角門東爲土地祠

乾隆五十年

八年知縣鍾大受修祠前有賓館

久廢今爲健快宿房

西爲監獄內有神祠再南

正中爲縣治大門有譙樓三間明宏治中知縣李恕建羅士

賢趙鑄王霖 國朝知縣朱謨等代有興修門外東爲旌善

亭西爲申明亭

久廢

正中爲照壁乾隆二十九年知縣彭宗古

改修大堂三楹懸清慎勤三字於上東爲庫西爲收糧所堂

後爲宅門中建敬事堂三楹東會賓廳西爲掌印所左右各

德平縣志

卷二

建置

三

有配房又東前爲廚房後有書室共六楹西偏書室三楹今

爲客廳

大堂前東西列各房久廢惟倉房存乾隆五十年署知縣汪本莊重建六房並皂隸二房

光緒

五年以後自大堂儀門大門照壁及東西各房知縣曾長治

蔣樹屏胡啟煥相繼重修

署內車道向由儀門西偏乾隆五十七年知縣鍾大受查照憲署出

入俱由東角門乃塞西道開東偏行車以東爲青龍也

鐘樓在縣治儀門內東偏金大定八年建下圍十二丈中圍八

丈上木架圍三丈六寸鐘口圍圓一丈六尺鐘身長七尺八

寸臺高計二丈三尺乾隆六十年知縣鍾大受修

今圯古鐘猶存

知縣宅在敬事堂後正廳五楹東西各有配房室前有古槐二

株室後一株最北爲同安樓三楹康熙六年知縣季靜建

久廢

乾隆三十一年知縣彭宗古修樓仍廢三十七年知縣錢大琴

建西偏內書室三楹五十八年知縣鍾大受即同安樓廢址

建住房四間東為廚房再進正房四楹 光緒十三年知縣

胡啟煥十五年知縣凌錫祺相繼重修縣治牆外東為鹽社倉詳見倉廩久已廢

圯西為喂馬所今廢後有神祠又西為典史宅

典史宅在縣治西乾隆三十二年典史馮永清因舊主簿宅增

置典史李大德王壽祺相繼繕葺光緒六年典史陳潛重修

教諭訓導宅見學校

駐防營房在縣治東官街之北久廢 國朝康熙初知縣沈志

達捐置今亦圯

德平縣志

卷二

建置

四

按舊志縣治左有縣丞宅再左為管馬主簿宅縣治右為管

糧主簿宅今已俱裁詳職官志宅並廢 又縣治前舊有布按分

司二宅譙樓前左陰陽學右醫學城隍廟左為道會司龍泉

寺中為僧會司俱已久廢

演武亭在縣北門內明嘉靖中廢後改建於西門外偏北里許

堂三楹旗臺二座大門一座久圯

演武場地二十四畝在西門外北偏里許按營汎宅已久廢每歲收租以為租宅之

需今仍之餘詳田賦

學校

文廟在縣治南宋熙甯三年縣令崔益建後廢元盛諭營草堂

以祀至元中閻士安始建殿明知縣姚文臨張士行李恕楊
自効趙鏞彭時中王霖訓導年富 國朝知縣黨光前戴王
縉解佑啟朱謨袁舜裔文治光教諭楊澣相繼繕修 國朝
道光三十年知縣德稜額咸豐元年知縣孫肯堂重修定額
入學十二名武生同廩生二十名增生二十名

大成殿正中五楹

宋徽宗正和四年御書大成殿額頌孔子廟此殿名所始

東西廡各十五楹東廡於光緒十八年復修

按東西廡今各三楹改置未詳

戟門正中三楹左右各一門

考戟門始自宋建隆年間詔用正一品禮設十六戟於文宣王廟內

徽宗大觀四年詔用天子制廟門增設二十四戟明嘉靖九年改稱先師廟於廟門外另設櫺星門

櫺星門在戟門前

按史記封禪書櫺星也主穀又櫺取疏通之義凡壇壝用之示尊崇也

德平縣志

卷二

建置

五

泮池在櫺星門前寬六尺長一丈五尺繚以垣

朱子曰以其半於辟雍故曰泮

宮今建學必有泮池昉此舊有芹香橋一座按舊志戟門前有太和元氣坊左右各一門左曰德配天地右曰道冠古今又泮池前一坊曰盤津毓秀坊前左右二小坊左曰騰蛟右曰起鳳今移德配天地兩額於泮池左右門餘並無

明倫堂在大殿後五楹東有進德齋西有修業齋明知縣張士

行建

齋久圯

學門二座左曰禮門右曰義路

按堂後有敬一亭明嘉靖五年作敬

一箴詔勒石學宮并程子四箴范氏心箴於內今廢

欽頒卧碑在明倫堂左順治九年立

崇聖祠三楹在殿東北初名啟聖祠雍正元年改今名明知縣

羅士賢建 國朝詹惟聖李之蓉繼修

文昌祠三楹在櫺星門外西偏明訓導年富建嘉靖中知縣羅

士賢移聖殿西 國朝光緒元年知縣陳佐平以祠宇狹隘

改建於書院東偏正殿三楹官廳三楹東西厦棚各一楹大

門一座有照壁 文生王濬川
監修有碑記

名宦祠三楹在戟門東偏

鄉賢祠三楹在戟門西偏

忠孝節義祠在戟門外之左

節孝祠在學宮外西偏雍正四年知縣袁舜裔建 節孝一祠專
為婦女節孝

者設故在
學宮外也 以上各祠均咸豐元年重修節孝祠今移聖殿西

北舊祠遂廢

御製孔子贊碑在丹墀左 顏曾思孟贊碑在丹墀右 指南

德平縣志

卷二 建置

六

碑在殿後並康熙二十五年立

上諭碑在明倫堂前雍正七年立

勅建碑在忠義祠前雍正元年立

平定回部碑在戟門外乾隆二十四年立

平定準噶爾碑在明倫堂東乾隆三十三年立

封號碑在殿墀右元大德十一年立

重修廟學碑六 殿墀左一元元貞元年立 一明宏治間立
一在名宦祠北嘉靖間立 一在名宦祠南萬

歷間立 一在戟門右乾隆二十七年立

書籍 御製 聖諭廣訓 御製訓飭士子文朋黨論 詩經傳
周易折中 周易述義 書經傳說彙纂

說彙纂 詩義折衷 春秋傳說彙纂 春秋直解
資治通鑑綱目 明史 春秋性理精義 欽定四書文

祭器

登一 釗二十二 鐸十二 簋各四 十四 籩 豆一百七十八 牲俎帛筐各三十四 爵八十

樂器

龍麾一 旌節二 搏拊二 琴瑟各四 笙簫笛埙簾 排簫各二 編鐘編磬各十六 應鼓十面 羽籥繖

庠門在崇聖祠前咸豐元年知縣孫肯堂建

射圃在學宮外西邊蓋古者習射澤宮夫子射於矍相之圃之

意今惟存故址

教諭宅在明倫堂後左偏明知縣姚文臨建 國朝雍正二年

教諭董得志修咸豐元年教諭張叔麟繼修

訓導宅在教諭宅之東亦姚文臨建康熙十一年訓導段翼明

修乾隆三十九年訓導楊維世重修咸豐元年訓導高連峻

復修

德平縣志

卷二

建置

七

學田六十畝一分八釐

在禹宜兩鄉租銀解送學院詳田賦志

書院

般陽書院在縣西南明知縣楊自効建久廢

甘露書院在西門外白衣菴後原係季侯祠康熙初年邑人爲

知縣季靜建生祠雍正四年知縣袁舜裔改爲甘露書院久廢

敬業書院在縣東街北乾隆三十二年知縣彭宗古建六十年

知縣鍾大受重修今廢

白麟書院在南門內東偏道光二十三年知縣德稜額建講堂

三楹東西書齋各三楹內廳三楹東西書室各三楹耳屋厨

房各二楹廠棚碑厦共五楹門房一間大門一座有照壁地基

八畝零六毫舊有田地八十一畝有奇每歲收租以充經費今仍之按書院向無經費乾隆六十年知縣鍾大受捐俸勸貲規模畧具道光二十三年知縣德稜額捐廉改建貢生鄭雲鵬等勸募七千餘緡拓基興工無存同治五年知縣何元熙倡捐貢生李同楠文生李法中等復籌勸七千緡詳請發當滋息七年知縣周士瀚以捻匪告警提修城工越數年僅補足五千緡仍依舊例取息以給生徒膏伙之需又舊書院碑移置碑厦之右改建碑一重興膏伙碑一並詳藝文志東爲文昌宮詳學校

試院在白麟書院西光緒三年知縣周爾梅建正廳三楹耳屋

廚房各一楹

監生龐景奎獨力捐賞文生趙文炳監修

七年知縣蔣樹屏增建東

西號舍各十楹

文生閻汝霖等籌勸督工有碑記

育賢義塾在縣東街北舊名培英書院道光二十七年知縣德

稜額建正室三楹東西書室各三楹光緒十三年知縣胡啟

德平縣志

卷二

建置

八

煥別爲義塾改今名

按舊志向有小學立館於真武廟內後廟圯館無定所乾隆六十年貢生郭永

安捐地基南北三十九弓東西七弓知縣鍾大受爲之記詳藝文道光二十七年知縣德稜額因其地構數楹以便小學舊有小學田一頃每歲收租充經費光緒十三年知縣胡啟煥核實酌增以爲義塾之資詳見義田志

養正義塾在北郭外玉皇廟光緒十三年知縣胡啟煥置

館無定所

經費同育賢義塾

培元義塾在理合務南街觀音廟

毓俊義塾在糜鎮西街路南

儲翰義塾在孔家鎮 以上三塾十八年知縣凌錫祺置

規費同

賢養正二塾按季由縣署捐廉支發以爲脩脯之資

書院義田七十九畝八分七釐一毫

在懷仁鄉按錢志明知縣王霖重建書院有田地八

十三畝歲久不敷鍾志載入八十一畝一分四毫同治三年知縣何元熙丈清餘今數每歲書院收租又按舊志載禹貢鄉地三十六畝一分三釐知縣文治光清查墾荒撥入書院又基山鄉學地十八畝六分三釐七毫知縣彭宗古詳明歸入書院併懷仁鄉義田舊數共一頃三十五畝八分六釐六毫今禹貢地已陞科基地已歸該鄉義學俱不入書院矣

義塾田八十八畝五分七釐五毫在宜豐鄉乾隆三十八年知縣錢大琴因吏欠官項繳田一頃入官大琴勢解繳官置為小學田光緒十三年知縣胡啟煥以歲久地數不敷派文生閻汝霖丈清核實酌增租價並增義塾為二每歲義塾收租著為經費

倉儲

常平倉在縣署西分風調雨順國泰民安豐裕十廩共三十三

楹光緒十三年知縣胡啟煥重修分長懷禹基宜五廩共十

九楹

按舊志額儲穀一萬四千石每年春借秋還遇歉賑濟平糶自道光間知縣任漢亭周宗華詐桂身德稜額歷

德平縣志

卷二 建置

經盤查霉變虧缺並因灾借動無存因司庫支絀迄未奉飭買補

鹽社倉在縣署東分知仁聖義中和大廩共十八楹乾隆八年

勸商捐輸穀石建

按舊縣治圖有預備倉即其地今已久廢社倉原存穀二百二石五斗四升二合八

勺道光間知縣許桂身虧缺無存迄未買補又舊志理合務孔家鎮俱有社倉今亦久圯

每年留儲薊糧米五百三十三石四斗一升六合

奉文則運解薊州如歷年

久詳請出借易穀存倉以備碾運

五鄉社倉儲穀共六千二百一十七石一斗二升五合

光緒七年知縣

蔣樹屏奉飭勸捐積穀分派五鄉社長收儲以備荒歉

附 普濟堂在北關共二十六楹

養濟院在西門外共十楹

餘址猶存

義田二百四十九畝六釐八毫

在長基禹宜四鄉康熙間知縣陳祥祚捐置按錢志

二百三十三畝四分光緒十一年知縣楊同櫟文清得今數每歲收租以備普濟堂賑給之需今仍之

壇廟

風雲雷雨山川壇舊在內城南門裏明嘉靖中知縣楊自効改

遷於外城南門外官道之西

見典禮

社稷壇舊在縣城北門外西北隅明嘉靖中知縣羅士賢改遷

於西門外

見典禮

先農壇在東門外里許三月初旬致祭耕藉

邑厲壇在北郭外偏東里許

鄉厲壇各鄉俱有明嘉靖中廢

城隍廟在縣治西明嘉靖二十二年邑民許鸞等修正殿三間

德平縣志

卷二

建置

十

東西有廊後有退寢 國朝知縣陳師枻何元熙繼修

按舊志廟

內有顯佑伯坊何時勅封碑碣均未載及 光緒四年知縣周爾梅詳請

御書陰陽和德匾額十二年知縣胡啟煥詳請

勅封惠顯十八年知縣凌錫祺捐廉武生閻檉華倡修

關帝廟在南門外西偏順治六年知縣吳盛祖建

見典禮

前有坊

垣宇四週歲久圯蝕乾隆六十年典史李大德修同治七年

肅清案內以靈蹟顯佑轉危為安詳請

御書宣威昭佑匾額光緒十三年知縣胡啟煥捐廉職銜石際和

倡修 一在南郭外明嘉靖二年知縣唐臣建 一在西門

外 一在城內丁字街

馬神廟在縣署西北

土地祠在縣署儀門東

獄神廟在縣署儀門西

八蜡廟在南關外今

火神廟在縣治南新街光緒元年重修見祀典

北極廟亦名真武廟在縣治東北隅前有威靈顯赫坊橋頭有元天

虹渡坊今俱廢明萬曆三十四年葛昕建今廢

龍王廟在南郭外西徧乾隆二十年修廟前一井取水禱雨立應咸豐

七年知縣何元熙重修光緒十二年知縣胡啟煥復修詳請

勅封孚順

德平縣志

卷二

建置

十一

東嶽廟在東門外 內有申侯祠為明知縣申惠立今尚存碑

泰山行宮在南門外雍正三年朱爾明捐修三月十八日大集

三皇廟在縣治東南隅今

禹王廟在南門外雍正元年知縣李纁珠建今

劉猛將軍廟在西門外雍正五年知縣袁舜裔奉 旨建乾隆

二十九年邑民朱蕙重修

按通志神為南宋劉宰字平國金壇人紹熙元年進士仕至
浙江東倉司幹官告歸隱居三十年卒謚文清以正直為神
驅蝗保穡而人以猛將軍稱之誣矣怡庵雜錄載宋理宗景
定四年勅有云邇年以來飛蝗犯境漸食嘉禾民不能驅吏
不能捕賴爾神力埽蕩無餘上感其恩下懷其惠爾故提舉
江州太平興國官淮南江東浙西制置使劉錡今特勅封為
揚武侯天曹猛將之神血食一方與通志不同竊以為人呼
猛將軍當由猛將之訛怡庵雜錄所述似為近之因並存其

說以備
參考

金姑廟

神能驅蝗

在西門外乾隆二十九年知縣彭宗古建

以上二廟均於

光緒十七年知縣凌錫祺捐廉貢生龐清榮監修十八年飛蝗徧鄰境邑不為灾知神之捍禦周矣有碑記

玉皇廟在北門外

張仙廟在縣治東南

今圯

三官廟在西門外

藥王廟在城東南八里康熙二十年知縣康烈建 一在城西

三里 一在城北二十里 一在城西北二十里 四月初八日大集

三義廟在城西南三里

靈侯廟在城西南二十里乾隆二十三年重修 三月初八日大集

德平縣志

卷二

建置

十二

金侯祠在西門外為明知縣金陞立

今圯碑尚存

楊侯祠在西門外為明知縣楊子鳳立

今圯

葛公祠在東門外官街之北明萬曆間撫院趙汝泉按院王次

山允邑士民之請達於朝為端肅公建 國朝乾隆五十八

年知縣鍾大受率公裔重修光緒七年公裔傳鰲復修

寺觀

白衣菴在南門外偏東

觀音堂在縣治西南

南海菴在西門外偏南

龍泉寺在縣治西南隅

中有龍泉故名洪武十年建內有袁侯祠為明知縣袁宏德建今圯碑尚存乾

隆四十九年監
生郭景曾重修

廣教寺在糜鎮

中有古塔

興教寺在城西南三十里

重興寺在重平鎮

善應寺在懷仁鎮

理元寺在長魁店

中有大佛閣魁臺

鐵佛寺在孔家鎮

明隆寺在理合務

臺子寺在城西南二十里

儒林寺在城西二十里

德平縣志

卷二

建置

十三

基山寺在基山上

城興寺在城東北二十五里

俗呼海子寺

興隆寺在城西南二十五里

是觀寺在城西三十里

觀音寺在城東北三十里

俗名郭家寺

活佛寺在城東南十里

鄉鎮

長魁鄉圖十在縣城東

共一百七十四村

懷仁鄉圖十在縣城南

共一百九十九村

禹貢鄉圖十在縣城西南

共一百五十四村

基山鄉圖十在縣城西

置一百五十村元析
置遵化鄉明初併入

宜豐鄉圖十在縣城北

置一百五十五村元析
置崇平鄉明初併入

右五鄉共八百二十三村 按鍾志邑五鄉舊有九百零一

村 國朝康熙中知縣朱謨詳請五鄉改圖各十每圖十甲

惟禹貢十里少第五甲基山十里少第十甲光緒十三年知

縣胡啟煥查辦保甲核村數如右然其析置何境遷徙何鄉

皆不可考矣

理合務鎮城南二十里

日三集八

糜鎮城西二十里

日五集十

孔家鎮城東北二十五里

日三集八

德平縣志

卷二

建置

十四

重平鎮城西北三十里

漢重平城故址四九日集乾隆四十七年分四期於黃家集鎮集逢九日

興隆鎮城西南二十里

日四集九

懷仁鎮城東南二十里

日一集六

義渡口城西北四十里

日二集七

魁臺街城東十五里

日五集十

鄭家坊城東北二十五里

日四集九

桑林店城西三十里

日一集六

范家橋城西十二里

日三集八

張謝家橋城西二十里

日四集九

任家集城西南三十里

日三集八

徐胡莊城東北十五里 日二集七

孟家集城北十里 日五集十

劉家集城西北二十里 日一集六

白家集城西北三十里 日二集七

黃家集城東南二十里 日三集八

趙家集城東三十里 日三集八

于河集城東北三十里 日三集八

豐盛集城東南二十五里 日三集八 廢集久

于家坊城南十里 日五集十

黃家集城西南十四里 日一集六

德平縣志 卷二 建置

焦家樓城西南三十里 日四集九

鍾志以下有孝義莊東倉王家營吳令寨盧家寨小官寨

胡家寨戚家寨王家寨閘溝屯孟顯屯袁里長屯車里長

屯司林兒屯韓里長屯許驢兒屯盧官屯郭里長屯孫里

長屯臺頭屯魯里長屯橋土屯兩莊屯等村按諸村既不

在集鎮之例不應攔入今依舊志仍存其名距城里數不

載 按孝義莊俗名飯館堂明萬曆間
饑民流移知縣王霖置此安集之

街市

縣治東西曰東官街曰西官街迤北曰東倉衙街曰西倉衙街

南曰丁字街西至南城根曰新街曰觀音寺街

城關廂市集以二七四九日爲期

每月初二日關南 初四日前縣 初七日關西 初九日前縣 十

二日關東 十四日關北 十七日關南 十九日前縣 二十二日

關西 二十四日前縣 二十七日關東 二十九日關北 按舊志
城市集

期取中央上旺四時之義縣前一
月四集各關半月一集今仍之

城外市集並見鄉鎮

兵防

國朝順治四年設駐防官總練一名四門官四名民兵四百名

康熙三年裁革撥德州營千總或把總一員率馬兵二十名

步兵三十名駐防本邑專職捕盜今承平日久止設外委或

德平縣志

卷二

建置

十六

把總一員步兵十四名仍歸德州營操練舊有馬兵三名
裁革未詳何年

按營汎今僅步兵十四名咸豐間粵匪告警知縣奉檄募民

勇二百名時駐紮以劉家集爲要黃家集次之派
參將守備各一員並青登營隊巡防 旋卽撤銷

同治間以鹽梟竊發委周字營駐巡西關尋亦裁撤光緒間

歷經知縣募設民壯二十名或三十名而旋募旋撤十八年

奉委遊擊守備各一員駐孔家鎮以備鹽梟然亦非久計也

郵傳

國朝康熙十三年馬四匹走遞馬夫四名撥馬牌子一名走遞

白夫十二名青夫四名安德水驛起淺夫五十名所需銀兩

俱派征條鞭內應用至十五年奉文協濟泰安驛知縣沈志

達捐金更買臆壯補送歸槽其安德水驛淺夫銀兩亦具申

各憲詳陳本邑去驛遙遠不應協濟蒙准題請邀

恩獲免

舖舍

總舖在縣前偏東明知縣王霖修

懷仁舖在縣東南二十里通商河縣

擡頭舖在縣西南四十里通陵縣

津梁

永豐橋 在內城西門外北鉤盤河上明初建國朝雍正

義渡口 在縣西四十里乾隆二十四年知縣文治光命監生鮑長年倡修有記

德平縣志

卷二

建置

十七

傅家橋 在縣西三十五里今圮

霍家橋 在縣西三十里今圮

張謝家橋 在縣西二十里

范家橋 在縣西十二里

梁家橋 在縣西北十里乾隆四十三年貢生張學文倡修有記

上郭家橋 在縣西北十二里

杜家橋 在縣西北十三里乾隆四十六年諸生高成都張文彥等倡修

馬家橋 在縣北十四里今圮

楊家橋 在縣北十五里雍正間諸生王侶鶴修乾隆三十二年王仁洽等重修有記

于家橋 在縣北十八里亦名方便橋明義民于安建裔孫于斯盛修今圮

下郭家橋 在縣北二十里 久圮乾隆五十九年義民高永兌募修積累九年始成此舉皆其力也

王家橋 在縣東北二十里 圮今

閻家橋 在縣東北二十五里 乾隆四十六年監生張偉李斌等募修石橋

韓家橋 在縣東北二十八里 自此東下八樂陵縣境

以上橋十五座在篤馬河上即今名馬頰河自上流義渡

口橋起挨次順記至韓家橋出口止

丁家橋 在縣西三十里 陵縣入邑之第一橋今圮

温家橋 在縣西二十五里

永濟橋 在縣西十八里 乾隆五十九年義民朱洪猷獨力修成堅固有記

德平縣志

卷二

建置

十八

田家橋 在縣西十五里

徐家橋 在縣西十二里 以上橋五座始建無考在今之鬲津河上接入范家橋止

鳴鳳橋 在縣西關 光緒十八年貢生龐清榮倡修有記

坊表

世科 為吳達吳潤吳溥祖孫

雙柱 進士 俱為吳潤吳溥兄弟

拔萃 為宮理

丹桂 進士

都諫 京兆 俱為蘭琦

恩榮 為呂韶

步蟾

賜進士
俱為
呂佑

登天府
為靳
睿

恩榮
為郭
中

折桂
為郭
大街
石碣
尚存

騰蛟起鳳
為董
純

世德褒榮
為葛
環
父子

天官少宰

總憲名臣

大宗伯
在南
大街
石碣
尚存

華袞流芳

三朝元老

柱國名臣

在東
關前
坊
俱為

葛守
禮

德平縣志

卷二

建置

十九

清世名卿
為尚
卿
葛昕
立

兩曹大夫
為葛
昕
父子

三鳳鳴陽
為同
文成
唐
希臯

玉堂載筆
為葛
曦

世進士
為葛
麟